



2022-6

15. december 2022

All. nr./brevnr.:

2022-907-0003-20

Sull./sagsbeh.: LR/jh

**Kommuneqarfik Sermersuup kommunip qullersaqarfiani
sulisut feriami akiliunneqarlutik angalaneranut aningaasar-
tuutinik akiliisimanera**

Ombudsmandip naammagittaalliuutitut suliamik suliarinninnerminut atatillugu suliami allagaatit arlallit tiguai, taakkunanngalu erserpoq Kommuneqarfik Sermersooq qullersaqarfimmini sulisut taassumalu inoqutaasa feriami akiliunneqarlutik angalaneranut aningaasartuutinik akiliisimasoq.

Ombudsmandi aalajangerpoq kommunip qullersaqarfimmini sulisut taakkualu inoqutaasa, meeqqat angerlarsimaffimmi najugaqartut suli 18-iliisimanngitsut ilanngullugit, feriami akiliunneqarlutik angalaneranut aningaasartuutinik akiliisimaneranik nammineerluni misissuiffiginninneq Ombudsmandi pillugu inatsimmi § 15 tunngavigalugu aallartinniarlugu.

Ombudsmandi isumaqarpoq kommunip qullersaqarfimmini sulisut taakkualu inoqutaasa, meeqqat angerlarsimaffimmi najugaqartut suli 18-iliisimanngitsut ilanngullugit, feriami akiliunneqarlutik angalaneranut aningaasartuutinik akiliisimanera inatsisikkut tunngavissaqarani akiliinerusoq, taamaalillunilu kommunip aningaasat sulisut taakkua iluaqutissarsisinnernerinut inatsisikkut tunngavissaqarani atorsimagai.

Tamanna Ombudsmandip isorisarialerujussuartut isigaa.

Ombudsmandip suliamik suliarinninnerani kommunip oqaatigaa kommunip qullersaqarfiani sulisut inoqutaasalu, meeqqat angerlarsimaffimmi najugaqar-

tut suli 18-iliisimangitsut ilanngullugit, feriami akiliunneqarlutik ukiumoor-tumik angalatinneqartarnerinut inatsisikkut tunngavissaqanngitsoq takuneqar-sinnaasoq. Taamaattumik sulisut feriami akiliunneqarlutik isumaqatigiissutit atuuttut tunngavigalugit taamatut angalasinnaatitaanngitsut feriami akiliunne-qarlutik angalatinneqartarnerinik atorunnaarsitsiortorneq kommunip 2022-mi oktoberip naanerani aallartisarsimavaa.

Ombudsmandip tamatumunnga atatillugu oqaatigaa periaaseq inatsisikkut tunngavissaqanngitsoq taamaattoq atorunnaarsinneqassappat kommunip suli-soqatigiikkuutaanut pineqartunut siumoortumik ilimasaaruteqarnissaa pisaria-qanngitsoq.

Ombudsmandip kommuni qinnuigaa oqaaseqaatini kommunip qanoq iliuuse-qarnissaanut pissutissaqalersitsinersoq nalunaarutigeqqullugu.

Ombudsmandip suliamik suliarinninnini ukiup nalunaarusiuunneqartup naane-rani suli naammassinngilaa.

(Oqaaseqaat 15. december 2022-meersoq, j.nr. 2022-907-0003)

Tamatuma kingortigut imatut oqaaseqateqarpunga:

1. Suut misissorpakka?

1.1. Suliaq taanna nammineerlunga misissuiffigaara. Inatsisartut Ombudsman-diat pillugu Inatsisartut inatsisaanni nr. 7-imi, 1. juni 2017-imeersumi (matuma kingornatigut Ombudsmandi pillugu inatsimmik taaneqartartussami) § 15, imm. 1 innersuussutigaara, tassuunalu aalajangersarneqarpoq Ombudsmandi suliamik nammineerluni misissuiffiginnilersinnaasoq.

Kommunip qullersaqarfimmini sulisut inoqutaasalu, meeqqat angerlarsimaffimmi najugaqartut 18-it inorlugit ukioqartut ilanngullugit, feriami akiliunneqarlutik ukiumoortumik angalaneranut aningaasartuutinik akiliisarnera misissorniarlugu aalajangerpunga.

Kommunip qullersaqarfiani sulisut feriami akiliunneqarlutik angalaneranut akilii-sarnermik aqqissuussinerup inatsisikkut tunngavissaqannginnera nalunngikka-luarlugu feriami akiliunneqarlutik angalasarsimangersut apeqqut isummerfiginiar-nagu aalajangerpunga.

1.2. Ajornartorsiutunik taamaattunik siusinnerusukkut nammineq suliarinnissi-manngikkaangama Danmarkimi atuakkiaasimasut aamma Folketingip Ombuds-mandiata periaasia oqaaseqaatinni arlalitsigut aallaavigisarpakka. Kalaallit Nu-naanni inatsiseqartitsinikkut tunngaviup Danmarkimilu inatsiseqartitsinikkut tunngaviup pingaarnerusutigut assigiinnerat tamatumunnga pissutaavoq.

Oqaaseqaatiga imatut tulleriinnilerneqarpoq:

- Immikkoortoq 2. Suliaq pillugu naatsumik oqaatigisassat
- Immikkoortoq 3. Inatsiseqartitsinikkut tunngavigisaq
- Immikkoortoq 4. Kommunip isumaa
- Immikkoortoq 5. Uanga naliliinera

Oqaatigaara suliap ingerlasimanerata allaaserineqarnera oqaaseqaammut tul-liummat.

2. Suliaq pillugu naatsumik oqaatigisassat

Naammagittaalliuut pillugu suliamik suliarinninninnut atatillugu suliami allagaatit arlallit tiguakka, taakkunanngalu erserpoq kommunip qullersaqarfiani sulisup i-noqutaasalu feriami akiliunneqarlutik angalanerannut aningaasartuutit kommu-nip akilersimagai.

Tamanna tunngavigalugu aalajangerpunga kommunip qullersaqarfiani sulisup inoqutaasalu, meeqqat angerlarsimaffimmi najugaqartut 18-it inorlugit ukioqar-tut ilanngullugit, feriami akiliunneqarlutik ukiumoortumik angalanerannut ani-ngaasartuutinik akiliisimanera misissorniarlugu.

Kommuni allakkatigut 20. april 2022-meersutigut qinnuigaara suliami allagaatit oqaaseqaallu nassuteqqullugit.

Suliami allagaatit kommunillu oqaaseqaataa 27. maj 2022-mi ullulernerqarsimasoq e-mailikkut 9. juni 2022-meersukkut tiguakka. Suliami allagaatit amerlane-rusut 14. juni 2022-mi tiguakka.

Kommunip oqaatigaa kommunip qullersaqarfiani sulisut inoqutaallu feriami akiliunneqarlutik ukiumut ataasiarlutik angalasartut. Tamanna sulisut pineqartut atorfinitsinneqarnerminni isumaqatigiissutaanni takuneqarsinnaavoq.

Kommuni allakkatigut 30. juli 2022-meersutigut qinnuigaara ilassutaasumik oqaaseqaateqaqqullugu, kommunillu qullersaqarfiani sulisup pineqartup atorfinitsinneqarnerani isumaqatigiissutip assilineri kiisalu suliami allagaatit siullermik nassiussineri ilanngunneqarsimanngitsut nassiuteqqullugit.

Suliami allagaatit amigaataasut kommunillu akissutaa 1. august 2022-mi tiguakka. Atorfinitsitsineq pillugu isumaqatigiissummit erserpoq kommunip qullersaqarfiani sulisoq taanna pisortat pillugit ataatsimut isumaqatigiissut Naalakkersuisut aamma Akademikerit Kattuffiisa (Djøfip, Dansk Magisterforeningip, Gymnasieskolernes Lærerforeningip, Ingeniørforeningip, IDA-p, Forbundet Arkitekter og Designerit aamma Dansk Psykolog Foreningip) Kalaallit Nunaanni Namminersorlutik Oqartussani aamma Kalaallit Nunaanni kommunini pisortat akissarsiaat atorfinitsinneqarnerminnilu atugassarisaat pillugit isumaqatigiissutaat” tunngavigalugit atorfinitsinneqarsimasoq.

Kommunip oqaatigaa kommunip qullersaqarfiani sulisut tamarmik inoqutitillu, meeqqat angerlarsimaffimmi najugaqartut 18-it inorlugit ukioqartut ilanngullugit, feriami akiliunneqarlutik ukiumoortumik angalatinneqartartut.

Sulisup inoqutaasalu feriami akiliunneqarlutik angalaneri pisortanut ataatsimut isumaqatigiissummi pineqartunut ilaatinneqartut kommuni isumaqarnerisooq apeqqutigaa eqqarsaatigalugu kommunip oqaatigaa suliaq kommunip 1. september 2022-p kingornatigut uterfigeqqinniaraa.

Kommunip apeqquummut tassunga akissutaa 14. november 2022-mi tiguara. Kommunip oqaatigaa kommunip qullersaqarfiani sulisut inoqutaasalu, meeqqat angerlarsimaffimmi najugaqartut 18-it inorlugit ukioqartut ilanngullugit, feriami

akiliunneqarlutik ukiumoortumik angalatinneqartarnissaannut inatsisikkut tunngavissaqanngitsoq takuneqarsinnaasoq.

Kommunip tassunga atatillugu oqaatigaa sulisunut isumaqartigiissutit atuuttut tunngavigalugit feriami akiliunneqarluni angalanissamut pisinnaatitaanngitsunut feriami akiliunneqarluni angalatitsisarnerit atorunnaarsiortorneqarnerat 2022-mi oktoberip naanerani aallarnisarneqarsimasoq.

3. Inatsiseqartitsinikkut tunngavigisaq

Pisortani oqartussaasoq aningaasaanik aatsaat atuisinnaagajuttarpoq taamaaliornissamut inatsisikkut tunngavissaqaruni. Kommuni kommuninik piginnaatitsinerup nassatarisaanik aningaasanik pisuni aalajangersimasuni atuisinnaavoq. Kommuninik piginnaatitsineq malittarisassanut inatsisikkut aalajangersagaanngitsunut allassimanngitsunullu kommunip aningaasaqarnikkut pisuni aalajangersimasuni inatsisikkut tunngavissaqarani atuinissaminut periarfissaanik aalajangersaasunut taaguutaavoq. Suliassaqarfili pineqartoq inatsisikkut isumaqatigiissutitigulluunniit aalajangersaavigineqarsimappat kommuninik piginnaatitsineq atorineqassanngilaq.

Pisortat ingerlatsivianni, matumani kommunit ilanngullugit eqqarsaatigalugit, atorfinitsisarneq eqqarsaatigalugu suliassaqarfik taanna suliffeqarneq pillugu inatsiseqartitsinermi malittarisassatigut aalajangersaavigineqarsimavoq, soorlu feria pillugu inatsisikkut, funktionærit pillugit inatsisikkut aamma naartunermut, erninermut meeravissiarternermullu atatillugu sulinngiffeqartarneq pillugu Inatsisartut inatsisaatigut. Suliassaqarfik taanna isumaqatigiissutitigut aamma ingerlatsinermik inatsiseqartitsinermi malittarisassatigut tunngavitsigullu aammattaq aalajangersaavigineqarpoq.

Hans Gammeltoft-Hansenip allallu atuakkiaanni "Forvaltningsret"-imi aappasaanik naqitertinneqartuni "Del II Forvaltningspersonalet" aamma Niels Fengerip atuakkiaani "Forvaltningsret"-imi siullermik 2018-imi naqitertinneqartumi "Del II Forvaltningspersonalet", pingaartumik qupperpernerit 207 tulliilu aamma qupperneq 754. Kommuninik piginnaatitsineq eqqarsaatigalugu Karsten Revsbechip

Jens Gardellu atuakkiaanni "Kommunalret"-imi sisamasaanik naqitertinneqartumi kapitali 2 sukumiinerusumik misissoqquara.

3.1. Kommunip sulisunik atorfinitsitsinermi aningaasanik atuisarnera

Kommunimi atorfinitsitsineq isumaqatigiissut sulisut kattuffiinit susasaqartunut isumaqatigiinniarsinnaatitaasunut pisortanit isumaqatigiissutigineqarsimasoq tunngavigalugu imaluunniit tjenestemandit pillugit inatsit tunngavigalugu tjenestemanditut atorfinitsitsinertut pisinnaavoq. Atorfinitsitaanermut tunngasut inatsisikkut isumaqatigiissutikkullu (aftale) aalajangersaavigineqarsimanngippata imaluunniit isumaqatigiissummi (overenskomst) pineqartunut ilaatinneqanngippata atorfinitsitsineq inunnut ataasiakkaanut isumaqatigiissuteqarnikkut aamma pisinnaavoq.

Tassa imaappoq suliassaqarfimmi atorfinitsitsinermit tunngasut pillugit assigiinngitsutigut isumaqatigiissuteqartoqartarsimappat (aftaler/overenskomster) kommuni sulisunik isumaqatigiissutigineqarsimasut taakku tunngavigalugit atorfinitsitsisartussaasoq.

Suliassaqarfik isumaqatigiissutigut (overenskomster) aalajangersaavigineqarsimappat kommuni atorfinitsitsineq pineqartoq pillugu inunnut ataasiakkaanut imikkut isumaqatigiissuteqarsinnaanngilaq atugassaqartitsisinnaananilu. Taamaalilluni sulisoqatigiikkuutaanut aalajangersimasunut isumaqatigiissut (overenskomst) feriani akiliunneqarluni angalanissamut periarfissiinngippat kommuni angalanernut taamaattunut aningaasartuutinik inatsimmik unioqqutitsinani akiliinnaasussaannngilaq.

3.2. Kommunimi pisortatut atorfinni atorfinitsitsisarneq

Kommunimi pisortatut atorfinni atorfinitsitsisarneq ataatsimut isumaqatigiissummi uani pineqartunut ilaatinneqarpoq: Pisortat pillugit ataatsimut isumaqatigiissut 20. oktober 2020-meersoq.

Pisortat pillugit ataatsimut isumaqatigiisummi § 4 feriami angalanernut akilee-qataassutinut feriamilu angalanernut aningaasaateqarfimmut tunngasuvoq. § 4 imaattunik oqaasertaqarpoq:

**“Feriami angalanernut akilee-qataassutit, feriami angalanernut
aningaasaateqarfik**

Feriani angalanernut akilee-qataassutit. Pisortanut Djøfimut isumaqatigiisummi ilin-niartitaanermut ilanngussami aamma DSA-mut isumaqatigiisut tunngavigalugu ilin-niartitaanerni pineqartunut ilaatinneqartunut, tak. **ilanngussaq 1**, qinnuteqaateqar-toqarneratigut feriamut akilee-qataassutinik 16.500,00 kr.-nik ukiumoortumik tun-niussisoqarsinnaavoq, atorfeqartitaasoq Djøfimut isumaqatigiisummi § 35 imaluunniit § 36 imaluunniit DSA-mut isumaqatigiisummi § 35 imaluunniit § 36, katissimallugu aapparisami tassungaluunniit naligitaasutut inissisimasup feriami akiliunneqarluni a-ngalasinnaatitaanera tunngavigalugu ukiumi pineqartumi feriami akiliunneqarluni a-ngalasinnaatitaariinngippat. Feriamut akilee-qataassutinik katersineq qaammatikkaar-tumik akissarsiallu tunngavigalugit pisarpoq, ulloq atorfinitsitsiviusoq aallarnerfigalugu atuutilersumik. Piffissaq feriami angalanernut akilee-qataassutinik katersiviusoq 1. aprilimit 31. martsimut ingerlasarpoq. Qinnuteqaat akuerineqarpat feriami angalaner-mut akilee-qataassutit aprilip qaammataani akissarsianik tunniussinermut atatillugu tunniunneqassapput.

Imm. 2. Feriami angalanernut aningaasaateqarfimmut tapiissutit. Pisortanut ilinniarti-taanerat/tunuliaqutaat Djøfimut/DSA-mut isumaqatigiisummi matussusiivigineqan-ngitsunut Kalaallit Nunaanni Naalakkersuisut aamma Atorfillit Kattuffissuata (NAK-ip) akiliunneqarluni angalanerit pillugit isumaqatigiisutaanni 20. april 1998-imeersumi – NAL 4-1-48 - § 3, pisortat pillugit ataatsimut isumaqatigiisummi § 8, imm. 3 tunngavi-galugu feriani akiliunneqarlutik angalasinnaatitaanngitsunut katissimallugulu aappari-sap tassungaluunniit naligitaasutut inissisimasup feriami akiliunneqarluni angalasin-naatitaanera tunngavigalugu ukiumi pineqartumi feriami akiliunneqarluni angalasin-naatitaariinngitsumut sulisitsisup feriami angalanernut aningaasaateqarfimmut qaam-mammut 620,- kr.-t akilertassavai, tassanngalu feriami angalanermut tapiissutinik a-ningaasaateqarfik pillugu aalajangersakkat tunngavigalugit qinnuteqartoqarsinnaa-voq.” (Ombudsmandeqarfimmi nutsigaavoq)

Sulisut 1. april 1998 sioqqullugu atorfinitsinneqarsimasut ataavartumillu atorfe-qartitaanermikkut feriami akiliunneqarlutik angalasinnaatitaasimasut, tak. Ka-laallit Nunaanni Naalakkersuisut aamma Atorfillit Kattuffissuata (NAK-ip) akiliun-

neqarluni angalanerit pillugit isumaqatigiissutaanni 20. april 1998-imeersumi – NAL 4-1-48 - § 3, pisortat pillugit ataatsimut isumaqatigiissummi § 8, imm. 3 tunngavigalugu feriani akiliunneqarlutik angalasinnaaginnartussaapput.

Djøfimut isumaqatigiissummi § 35 inatsisilerituunut universitetsøkonominullu il.il. 31. marts 1996 aallarnerfigalugu atorfinitsinneqarsimasunut ikaarsaariarnermi aalajangersakkanut tunngasuvoq. § 36 inatsisilerituut universitetsøkonominullu il. il. piffissami 1. april 1991-imit 31. december 1996-imut atorfeqartitaasimasut feriami akiliunneqarlutik angalasarnerinut tunngasuvoq. Djøfimut isumaqatigiissut (overenskomst) tassaavoq "Naalakkersuisut aamma Djøfip inatsisilerituutut kandidatit aamma universitetsøkonomit il.il Kalaallit Nunaanni Namminersorlutik Oqartussani kommuninilu atorfeqartitaasut pillugit isumaqatigiissutaat".

DSA-mut isumaqatigiissummi (overenskomst) § 35 atorfinitsinneqarnermi so-raarnermilu angalanernut pequtillu nuunneqarnerinut tunngasuvoq. § 36 Kalaallit Nunaanni akiliunneqarluni angalanernut tunngasuvoq, tassuunalu aalajangersarneqarpoq Kalaallit Nunaanni qinnuteqaataasumik peqquneqarnikkulluunniit nuunnermi najugaqarfigisamit suliffiusussamut nutaamut akiliunneqarluni angalasoqarsinnaasoq. DSA-mut isumaqatigiissut tassaavoq "Naalakkersuisut (Namminersorlutik Oqartussat) aamma De Samforhandlende Akademikerorganisationer (Ingeniørforeningen i Danmark, Forbundet Arkitekter og Designere, DM (Dansk Margisterforening) aamma Dansk Psykologforening) aamma Kommunikation & Sprog kiisalu Bibliotekarforbundet Kalaallit Nunaanni Namminersorlutik Oqartussani kommuninilu atorfeqartitaasut pillugit isumaqatigiissutaat".

Taamaalilluni pisortat pillugit ataatsimut isumaqatigiissut atorfeqartitaasup ilinniagaqarsimanini tunuliaqutarisaniluunniit tunngavigalugu feriami akiliunneqarluni ukiumoortumik angalanermut akileeqataassutinik 16.500 kr.-nik qinnuteqarnissaanut imaluunniit feriami angalanermut tapiissutinik feriami angalanernut aningaasaateqarfimmit qinnuteqaateqarnissaanut aallaavittut periarfissiivoq. Pisu-ni taakkunani marlunni tamanna taamaallaat atuuttarpoq atorfeqartitaasoq kattissimallugu aapparisami tassungaluunniit naligititaasutut inissisimasup atorfeqartitaanermi atugassarisaanut ilaasutut feriami akiliunneqarluni ukiumi pineqartumi angalasinnaatitaasimanngippat.

Pisortat pillugu ataatsimut isumaqatigiissut aalajangersakkanik inunnut ataasiakkaanut isumaqatigiissuteqarnikkut atorfinitsitsinnaanermut periarfissiisunik imaqanngilaq.

4. Kommunip isumaa

Kommunip oqaaseqaatini suliamilu allagaatini uannut allakkatigut 27. maj 2022-meersutigut e-mailikkut 9. juni 2022-meersukkut nassiuppai. Kommunip ataatsimut oqaatigaa qullersaqarfimmi sulisut inoqutaasalu feriami akiliunneqarlutik 2021-mi angalanerinit aningaasartuutit kommunip akilersimagai.

Feriami akiliunneqarluni angalanerit eqqarsaatigalugit kommunip oqaatigaa kommunip qullersaqarfiani sulisut inoqutaallu, meeqqat angerlarsimaffimmi najugaqartut 18-inik ukioqalersimangitsut ilanngullugit, feriani akiliunneqarlutik ukiumoortumik angalasinnaatitaasut. Tamanna sulisut pineqartut isumaqatigiissutaannit erserpoq.

Feriami akiliunneqarluni angalanerit taamaattut pisortat pillugit ataatsimut isumaqatigiissummi pineqartunut ilaasut kommuni paasinninnerineraa apeqqut eqqarsaatigalugu kommunip paasissutissiissutigalugu oqaatigaa kommunip eqqartuussissuserisoq akissuteqarnerminut atatillugu naliliisissimagaa. Kommuni tamanna tunngavigalugu akivoq kommunip qullersaqarfiani sulisut inoqutaasalu, meeqqat angerlarsimaffimmi najugaqartut suli 18-iliisimangitsut ilanngullugit, feriami akiliunneqarluni ukiumoortumik angalatinneqartarnissaannut pisortat pillugit ataatsimut isumaqatigiissummi, Djøfimut isumaqatigiissummi, DSA-mut isumaqatigiissummi allamiluunniit inatsisikkut tunngavissaqanngitsoq takuneqarsinnaasoq.

Kommunip tamatumunnga peqatigitillugu oqaatigaa feriami akiliunneqarluni angalasinnaatitaaneq sulisunut isumaqatigiissutit atuuttut tunngavigalugit feriami akiliunneqarluni taamatut angalasinnaatitaanngitsunut tamanut atorunnaarsinneqassasoq kommunip eqqartuussissuserisuata kaammattuutigisimagaa. Kommunip tamanna tunngavigalugu oqaatigaa feriami akiliunneqarluni angalasinnaatitaanermik sulisunut isumaqatigiissutit atuuttut tunngavigalugit feriami akiliun-

neqarluni taamatut angalasinnaatitaangitsunut atorunnaarsitsiortorneq kommunip 2022-mi oktoberip naanerani aallartisarsimagaa.

Kommunip qullersaqarfiani sulisup kommunimi Sulisoqarnermut Immikkoortortaqarfimmut e-mailia 31. oktober 2022-meersoq imaattoq suliami allagaatinit tigu-neqartunit erserpoq:

“Isumaqatigiissutip avataatigut feriami akiliunneqarlutik angalatinneqartartut tamar-mik feriami akiliunneqarlutik angalatinneqartarneri atorunnaarsinneqassapput, NHD-mit tunngavilersuut kakkiussaq innersuussutigalugu.

Tusarniaasoqqaassaaq, tamatumalu kingornatigut aalajangiisoqassalluni.

Qullersaqarfiup feriami akiliunneqarluni angalatitsisarneranik suliaq tunngavigalugu al-lakkiaq (notat) suliarineqassaaq, tassanili tunngaviusut isumaqatigiissutit avataasigut feriani akiliunneqarlutik angalatinneqartartunut tamanut atuupput.

Feriami akiliunneqarluni angalasarnernik atorunnaarsitsineq Tasiilamiittunut Paamiu-niittunullu atuutinngilaq, taakkumi sulisunik tigumminiinnarnissaq siunertaralugu kommunalbestyrelsimit akuerisaasumik immikkut aaqqiivigineqarsimmamata. Taanna immikkoorluni ingerlavoq.” (Ombudsmandeqarfimmi nutsigaavoq)

5. Uanga naliliinera

Kommunip uannut oqaaseqaammuni 14. november 2022-meersumi oqaatigaa kommuni isumaqatigiissutinik assigiinngitsunik (overenskomst, aftaler) il.il., matumani feriami akiliunneqarluni angalasarnerit pillugit isumaqatigiissutit a-tuuttut ilanngullugit eqqarsaatigalugit, misissuereerluni eqikkaalluni inerniliisoq kommunip qullersaqarfiani sulisut inoqutaasalu, meeqqat angerlarsimaffimmi na-jugaqartut suli 18-iliisimangitsut ilanngullugit, feriami akiliunneqarlutik ukiu-moortumik angalatinneqartarnerinut pisortat pillugit ataatsimut isumaqatigiis-summi, Djøfimut isumaqatigiissummi, DSA-mut isumaqatigiissummi allaniluun-niit inatsisikkut tunngavissaqanngitsoq takuneqarsinnaasoq.

Kommunip paasinninnera isumaqatigaara.

Taamaalilluni uanga naliliinera unaavoq kommuni kommunip qullersaqarfiani sulisut inooqutaasalu, meeqqat angerlarsimaffimmi najugaqartut suli 18-iliisimangitsut ilanngullugit, feriami akiliunneqarlutik ukiumoortumik angalatinneqartarnerinut aningaasartuutinik akiliinermut aningaasanik atuisinnaangitsoq. Uanga paasinninnera unaavoq aalajangiisuusoq tassaasoq atorfeqartitaanerup pisortat pillugit ataatsimut isumaqatigiissutikkut aalajangersaavigineqarsimanerat, suli-sullu taakku ikaarsaariarnermi aalajangersakkani pineqartunut ilaatinneqannginnerat.

Kommunip qullersaqarfiani sulisut pisortat pillugit ataatsimut isumaqatigiissut isumaqatigiissulluunniit alla tunngavigalugu feriami akiliunneqarlutik angalasinnaatitaangitsut eqqarsaatigalugit isumaqarpunga feriami akiliunneqarluni ukiumoortumik angalanernut aningaasartuutinik akiliisimanagera akiliinerusoq inatsisikkut tunngavissaqanngitsoq, kommunilu taamaalilluni aningaasanik kommunip qullersaqarfiani sulisut inooqutaasalu, meeqqat angerlarsimaffimmi najugaqartut suli 18-iliisimangitsut ilanngullugit, iluaqutissarsisinneqarnerannut inatsisikkut tunngavissaqarani atuisimasoq.

Uanga naliliinera unaavoq kommuni kommunip qullersaqarfiani sulisunut aningaasartuutinik taamaallaat akiliisinnaasoq tamanna pisortat pillugit ataatsimut isumaqatigiissutip nassatarippagu. Isumaqatigiissut taanna kommunip qullersaqarfiani sulisunut, inooqutaannut meeraqarsimappallu meeqqanut angerlarsimaffimmi najugaqartunut suli 18-iliisimangitsunut feriami akiliunneqarluni angalanissamut pisinnaatitaaffiliinngilaq, sulisoq isumaqatigiissummi tassani ikaarsaariarnermi immikkut aalajangersakkani pineqartunut ilaatinneqanngippat.

Kommunip qullersaqarfiani sulisup atorfinitsinneqarnera pillugu isumaqatigiissutip assilineranit pissarsiarineqartumit erserpoq kommunip sulisoq taanna pisortat pillugit ataatsimut isumaqatigiissut tunngavigalugu atorfinitsissimagaa. Sulisup atorfinitsinneqarnera pillugu isumaqatigiissummit erserpoq sulisoq taanna inoqutinilu, meeqqat angerlarsimaffimmi najugaqartut suli 18-iliisimangitsut ilanngullugit, feriami akiliunneqarlutik ukiumoortumik angalasinnaatitaasut.

Qulaani taaneqartut tunngavigalugit uanga naliliinera unaavoq feriami akiliunneqarluni angalasinnaatitaanerup sulisup pineqartup atorfinitsinneqarnerani isuma-

qatigiissummi allassimanagera kommunip qullersaqarfiani sulisup taassuma inoqutimilu, meeqqat angerlarsimaffimmi najugaqartut suli 18-iliisimangitsut ilanngullugit, feriami akiliunneqarlutik angalanerinit aningaasartuutit akiliisarnermik aqqissuussinermik kommunip inatsisinik unioqqutitsinani akiliisinaanerit apeqquummut sunniuteqanngitsoq.

Taamaattumik isumaqarpunga kommunip qullersaqarfiani sulisut inoqutaasalu feriami akiliunneqarlutik angalarnerinit aningaasartuutit kommunip akilersinnaanngikkai.

Tamanna tunngavigalugu isumaqarpunga kommunip qullersaqarfiani sulisut inoqutaasalu feriami akiliunneqarlutik ukiumoortumik angalarnerinit aningaasartuutit inatsisikkut tunngavissaqarani akiliisarnermik kommunip periaasia isorisarialerujussuusoq.

Kommunip uannut paasissutissiissutigaa feriami akiliunneqarluni angalasinnaatitaaneq sulisunut isumaqatigiissutit atuuttut tunngavigalugit feriami akiliunneqarluni taamatut angalasinnaatitaanngitsunut tamanut atorunnaarsinneqassasoq kommunip eqqartuussissuserisuata kaammattuutigisimagaa. Kommunip oqaaseqaataanit erserpoq sulisunut isumaqatigiissutit atuuttut tunngavigalugit feriami akiliunneqarluni angalanissamut pisinnaatitaanngitsunut feriami akiliunneqarluni angalatitsisarnert atorunnaarsiortorneqarnerat kommunip tamanna tunngavigalugu 2022-mi oktoberip naanerani aallarnisarsimagaa.

Tamanna imatut paasivara kommunip paasinninnera unaasoq kommunip feriami akiliunneqarluni angalasinnaatitaanermik atorunnaarsitsisinnalersinnagu kommunip qullersaqarfiani atorfeqartitaasut inoqutaasalu, meeqqat angerlarsimaffimmi najugaqartut suli 18-iliisimangitsut ilanngullugit, feriami akiliunneqarluni ukiumoortumik angalatinneqartarnerinit aningaasartuutit akiliisarnera inatsisikkut tunngavissaqanngitsoq nalinginnaasumik ilimasaaruteqarnikkut atorfeqartitaasunillu siumoortumik tusarniaaviginninnikkut atorunnaarsinneqassasoq.

Kommuni tamatumani isumaqatiginngilara. Uanga paasinninnera unaavoq periaaseq inatsisikkut tunngavissaqanngitsoq taamaattoq atorunnaarsinneqassap-

pat siumoortumik ilimasaaruteqarnissaq tusarniaanissarluunniit pisariaqanngitsoq.

Kommuni qinnuigaara oqaaseqaatiga kommunip qanoq iliuseqarnissaanut pisutissaqalersitsinersoq uannut nalunaarutigeqqullugu.

Oqaaseqaat manna oqaaseqaammi pineqartut kikkuussusii ilisarnarunnaarsillugit nittartakkanni tamanut saqqummiunneqarumaarpoq 2022-milu ukiumoortumik nalunaarutinni eqqaaneqarumaarluni.

SULIAP INGERLASIMANERATA ALLAASERINEQARNERA

Kommuni 20. april 2022-mi qinnuigaara suliami allagaatit kommunillu oqaaseqaataa uannut nassiuteqqullugit.

Feriami akiliunneqarluni angalanernut aningaarsartuutunik akiliisimaneq eqqarsaatigalugu kommuni qinnuigaara qullersaqarfimmi sulisup inoqutaasalu 2021-mi feriami akililiunneqarlutik angalaneranut aningaasartuutit kommunip akilersimanagerai paasissutissiissutigeqqullugu.

Allakkakka IT-mik atortorissaarutitigut ajornartorsiuteqarneq pissutigalugu kommunimut apuutinngitsoormata 26. april 2022-mi aamma 12. maj 2022-mi nassiuteqqippakka.

Sulisuma ilaata Kommuninik Nakkutilliisoqarfiup Allattoqarfia 20. maj 2022-mi attaveqarfigaa, suliaq Nakkutilliisoqarfimmi suliarineqarnerisq paasinialugu. Nakkutilliisoqarfiup Allattoqarfiata oqaatigaa suliaq Nakkutilliisoqarfimmi suliarineqanngitsoq.

Kommunip oqaaseqaatini suliamilu allagaatit uannut e-mailikkut 9. juni 2022-mi nassiuppai. Kommunip oqaaseqaammi 27. maj 2022-mi ullulernerqarsimasumi oqaatigaa kommunip sulisumi ataatsip inoqutaasalu feriami akiliunneqarlutik angalaneranut aningaasartuutit katillugit 31.481,86 kr.-t 2021-mi akilersimagai. Tamatumunnga upernarsaatit nassuiaallu sulisumit pineqartumit suliarineqarsimasq kommunip akissutaanut ilanngullugit nassiunneqarput.

Suliami allagaatit amigaataasut kommunip 9. juni 2022-mi akissutaanut kukkunnikkut ilanngutinngitsoorneqarsimasut kommunip malinnaatillugit 14. juni 2022-mi nassiuppai.

Ilanngussaq 1 nassuiaammik sulisumit pineqartumit suliarineqarsimasumik 23. maj 2022-mi atsiorneqarsimasumik imaqarpoq. Feriami akiliunneqarluni angalanerq eqqarsaatigalugu takuneqarsinnavoq sulisoq taanna inoqutinilu, direktørit allat assigalugit, ukiumut ataasiarlutik feriami akiliunneqarlutik angalatinneqartartut, sulisup taassuma isumaqatigiissutaani allassimasutut.

Kommunip feriami akiliunneqarluni angalanerit pillugit ilumini tunaartarisassai kommunip akissutaanut aammattaq ilanngullugit nassiunneqarput.

Kommuni allakkatigut 30. juni 2022-meersutigut qinnuigaara ilassutaasumik oqaa-seqaateqaqqullugu suliamilu allagaatit amigaataasut uannut nassiuteqqullugit, matumani sulisup atorfinitsinneqarnerani isumaqatigiissut ilanngullugu eqqarsaatigalugu. Kommuni aammattaaq qinnuigaara suliaq pillugu oqaa-seqaateqaqqullugu, ilaatigullu makku oqaatigalugit:

“[...]

Kommuneqarfik Sermersooq aammattaaq qinnuigaara suliaq pillugu oqaa-seqaateqaqqullugu.

Kommuneqarfik Sermersooq qinnuigaara manna immikkut isummerfigeqqullugu, tassalu atorfeqartitaasup taassumaluunniit ilaquataasa feriami akiliunneqarlutik angalasarneri Naalakkersuisut aamma Akademikerit Kattuffiisa (Djøfip, Dansk Magisterforeningip, Gymnasieskolernes Lærerforeningip, Ingeniørforeningip, IDA-p, Forbundet Arkitekter og Designerit aamma Dansk Psykolog Foreningip) Kalaallit Nunaanni Namminersorlutik Oqartussani aamma Kalaallit Nunaanni kommunini pisortat akissarsiaat atorfinitsinneqarnerminnilu atugassarisaat pillugit isumaqatigiissummi (pisortanut ataatsimut isumaqatigiissummi) pineqartunut ilaatinneqanngitsut,

[...]”

Kommuni aammattaaq qinnuigaara kommunimi atorfeqartitaasut inoqutaalu kikkut feriami akiliunneqarlutik ukiumoortumik angalatinneqartarnerisut paasissutisiissutigeqqullugu.

Kommunip tamatuma kingornatigut allakkatigut 1. august 2022-meersutigut emailikkut ulloq taanna nassiunneqartutigut imatut akivoq:

“[...]

1. Suliamut atatillugu allagaatit tamarmik misissorneqarput, Ombudsmandimullu 9. juni 2021-mi siusinnerusukkut nassiunneqarsimasunut sanilliunneqarlutik, tak. inatsisilerinermi pisortap [...-p] apeqquteqaataa 30. juni 2022-meersoq. Misisuineq taanna aallaavigalugu takuneqarsinnaavoq allagaatit ilaannaat 9. junimi ajorluartumik nassiunneqarsimasut. Suliami allagaatit amigaataasut mappimi mailimut ullumikkut nassiunneqartumi kakkiussami massakkut katersorneqarput.
2. Ilanngussaq 2.1. inussiarnersumik takuuk.

3. Kommuneqarfik Sermersuup Sulisoqarnermik Aqutsisoqarfik feriami akiliunneqarluni angalasarnerit pillugit malittarisassat atuuttut eqqarsaatigalugit oqaloqatigisarpaa. Taamaattumik suliaq pillugu oqaaseqaat Sulisoqarnermik Aqutsisoqarfimmut attaveqarfiginninneq naammasseriarpat Kommuneqarfik Sermersuup malinnaatillugu nassiunnarpaa. Sulisoqarnermik Aqutsisoqarfimmi sulisup suliamik suliarinneqataasup feriarnera pissutigagalugu aatsaat 1. septemberip kingornatigut nalunaaruteqarnissaq naatsorsuutigineqarpoq.
4. Sulisut inoqutaalu kikkut feriani akiliunneqarlutik ukiumoortumik angalatinneqartarnerat eqqarsaatigalugu paasissutissiissutigineqarsinnaavoq tamanna qullersaqarfimmut atuummat.” (Ombudsmandeqarfimmi nutsigaavoq)

Sulisup atorfinitsinneqarnera pillugu isumaqatigiissut ilanngussatut 2.1-itut ilanngullugu nassiunneqarpoq. Atorfeqartitaanermut tunngasut eqqarsaatigalugit ilaatigut makku atorfinitsitsineq pillugu isumaqatigiissummit erserput:

“Atorfeqartitaanermut tunngasuni Kalaallit Nunaanni Namminersorlutik Oqartussani kommuninilu aqutsinikkut allaffissornermi pisortasut akissarsiaannut atorfeqartitaanerinilu atugassarititaasunut atuuppoq “Overenskomst mellem Naalakkersuisut og Akademikeres Sammenslutning Grønland (ASG) 21. januar 2016-imeersoq.” (Ombudsmandeqarfimmi nutsigaavoq)

Feriami akiliunneqarluni angalaneq eqqarsaatigalugu atugassarititaasut allat pillugit makku erserput:

“Feriami akiliunneqarlutit ukiumut ataasiarlutit angalasinnaatitaavutit, tassanilu ilaatinneqarlutik inoqutitit, meeqqat 18-it inorlugit ukiullit angerlarsimaffimmi najugaqartut ilanngullugit.” (Ombudsmandeqarfimmi nutsigaavoq)

Kommuni allakkatigut 15. september 2022-meersutigut eqqaasippara feriami akiliunneqarluni angalanerit pillugit oqaaseqaat eqqarsaatigalugu kommunip suliaq 1. september 2022-p kingornatigut uterfigeqqinniaraa kommunip nalunaarutigisimagaa.

Kommunip akissutaa 14. november 2022-mi tiguara. Kommunip paasitippaanga kommunip akissumminik suliarinninnermut atatillugu eqqartuussissuserisoq naliliisissimagaa.

“[...]”

Eqqartuussissuserisoq isumaqatigiissutit assigiinngitsut il.il., matumani feriami akiliunneqarluni angalasarnerit pillugit isumaqatigiissutit ilanngullugit eqqarsaatigalugit, missoreerlugit eqikkaalluni inerniliivoq qullersaqarfik inoqutit ilagalugit feriami akiliusilluni ukiumoortumik angalatitsisarnissaminut pisortat pillugu isumaqatigiissummi, Djøfimut isumaqatigiissummi, DSA-mut isumaqatigiissummit allaniluunniit inatsisikkut tunngavissaqanngitsoq takuneqarsinnaasoq.

Eqqartuussissuserisup aamma oqaatigaa akissarsiortut isumaqatigiissutikkut tunngavissaligaasumik tunniunneqartartut saniatigut akissarsianik amerlanaarlugit tunineqarsimappata allatigulluuniit iluaqutissiisutigineqartunik tunineqarsimappata taakku utertillugit aatsaat akileqquneqarsinnaasut taamatut tigusineq tigusisusnaanani nalunagu tigusisoqarsimappat.

Eqqartuussissuserisup kommunillu qullersaqarfimmi sulisut isumaqatigiissutikkut pisinnaatitaaffigisaminnik feriami inoqutitik ilagalugit akiliunneqarlutik angalatinneqarnermik tigusisusnaanatik tigusisimasutut isiginngilaat.

Eqqartuussissuserisup tamanna tunngavigalugu kaammattuutigaa inoqutit ilagalugit feriami angalasinnaatitaaneq sulisunut isumaqatigiissutit atuuttut tunngavigalugit taamatut pisinnaatitaaffeqanngitsunut tamanut atorunnaarsinneqassasoq.

Feriami akiliunneqarluni angalatitsisarnernik atorunnaarsitsiortorneq 2022-mi oktoberip naanerani aallarnisarneqarsimavoq.

Feriami akiliunneqarluni angalatitsisarnernik atorunnaarsitsineq kommunimi atorfeqartitaasunut isumaqatigiissutikkut taamatut pisinnaatitaaffeqanngitsunut tamanut atuuppoq, Tasiilamili Paamiunilu sulisut tassani ilaatinneqaratik, taakkumi sulisunik tigumminniinnarnissaq siunertaralugu kommunalbestyrelsimit akuerisaasumik immikkut aaqqiivigineqarsimammata. Tigumminniinnarnissaq siunertaralugu aaqqiineq taanna massakkut sukumiinerusumik nalilersuiffigineqarpoq. (Ombudsmandeqarfimmi nutsigaavoq)

Suliami allagaatit amerlanerusut tamatuma kingornatigut tiguakka, matumani kommunip eqqartuussissuserisumik allaffigeqatiginninnerani allagaasimasut ilanngullugit eqqarsaatigalugit.

Kommunimi qullersaqarfiup Sulisoqarnermut Immikkoortortaqaqarfimmut e-mailia 31. oktober 2022-meersoq aamma ilaavoq. E-mailimit makku erserput:

“Isumaqatigiissutip avataatigut feriami akiliunneqarlutik angalatinneqartartut tamar-mik feriami akiliunneqarlutik angalatinneqartarneri atorunnaarsinneqassapput, NHD-mit tunngavilersuut kakkiussaqaq innersuussutigalugu.

Tusarniaasoqqaassaaq, tamatumalu kingornatigut aalajangiisoqassalluni.

Qullersaqarfiup feriami akiliunneqarluni angalatitsisarneranik suliaq tunngavigalugu al-lakkiaq (notat) suliarineqassaaq, tasanili tunngaviusut isumaqatigiissutit avataasigut feriani akiliunneqarlutik angalatinneqartartunut tamanut atuupput.

Feriami akiliunneqarluni angalasarnernik atorunnaarsitsineq Tasiilamiittunut Paamiu-niittunullu atuutinngilaq, taakkumi sulisunik tigumminniinnarnissaq siunertaralugu kommunalbestyrelsimit akuerisaasumik immikkut aaqiivigineqarsimammata. Taanna immikkoorluni ingerlavoq." (Ombudsmandeqarfimmi nutsigaavoq)